



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

S. Otho Conf. 23. Martii.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

23. MART. *Vita Sanctorum.* 179

stigmatem tamen MATER MAGNA clientem suam, cum prater Brigittæ matris & virorum Religiosorum voluntatem, patriam cogitaret. Visa est enim sibi CATHARINA inter mundi laborantis incendia frustra opem à VIRGINE rogare, nisi Majorum voluntati pareret, & patriam cælo post haberet. Mortua est pridie VIRGINIS ANNUNTIATÆ, cum plures annos quotidie animum confessione expiasset. Funus Ericus Rex suis humeris extulit, Cælum stellam legavit, quæ funus comitaretur. Miraris nobiles funeris curatores? Nobiliores anima habuit, Angelos. *Ex Surio.*

S. OTHO CONF. 23. Martii.

Roma natus OTHO Palladi primam civitatem devovit. A Pallade deinde ad Martem transit, utroque propitio. Nam & literis excultus, & armis præstans Lothario Imp. cum hic Innocentio III. Pont. contra Pseudopontificem auxilium ferret, ita volente, veteri Majorum gloriæ Equitis etiam titulos adjecit. Nimirum nulla adæquè calcaria virtutem extimulant, uti aurea. Quod tamen DEVS sub suis signis militare vellet OTHONEM, ostendit quæ mundus suis stipendia numeraret. Proinde pro Alexandro III. Pont. contra Frid. Imp. arma gerit, speratq; palmas &



& triumphos, captivus carcerem ab hoc aufert & vincula. Adest tamen D. Bernardus precibus vocatus, & dormientem ex hostium manibus non vano somnio educit. Squalor carceris & fames longa alium vultum OTHONI induerant, ut facile omnes falleret. Liber ergo arma in se vertit, sibi bellum indixit. Locus castris metandis placuit Beneventum inter & Asculum. Sed & propugnaculum ingens extruxit cellam humilem: tela preces erant: vulnera ab hostili manu nulla, honestissima à suâ manu tulit. Ita sese subjugato, Arianensium quoq; superstitionem aggressus expugnare, effecit, ut qui ad id tempus Iani bifrontis imaginē, quâ publicis, quâ privatis ædificiis præfigebant, Christiani Christum potius præferrent, quàm Deos ridiculos. Iisdem imminentem ob scelera non modò ab Agarenis, sed Christianis etiam vastitatem, & ruinam prædixit; cui tamen ipse morte subduxit sese. *Ex Ferrar.*

## S. SIMON TRIDENTIN. M.

24. Martii.

**I**Terum hodie impietas odiis suis sanguine innocenti litavit, & cum Christi non potuit ampliùs, Christiani certè sanguinem fudit crudelis. Tridentum tragœdiam spectavit. Egere Iudæi, & principem Christi personam SIMON susti-